

ԲԱՌԱԿԱԶՄԱԿԱՆ ԵՐԵՎՈՒՅԹՆԵՐԸ ԵԶՆԻԿ
ԿՈՂԲԱՑՈՒ «ԵՂԾ ԱՂԱՆԴՈՑ» ԵՐԿՈՒՄ

Բառակազմությունը, որը լեզվի բառապաշարի հարստացման կարևորագույն միջոցներից մեկն է, «Եղծ աղանդոց»-ում դրսևորվում է երկու հիմնական եղանակով՝ բառաբարդմամբ և ածանցմամբ: Բառաբարդման միջոցով կազմված բարդությունները լինում են՝ հարադրական (վերածական) և համադրական:

1. Հարադրական բարդություններ. երկուսն հարադրական բարդություններից ամենատարածվածը հարադրավոր բայերն են, որոնց երկրորդ բաղադրիչը (հարադրյալը) սովորաբար բայ է, իսկ առաջին բաղադրիչը (հարադիրը) լինում է այլ խոսքի մաս, ինչպես և որևէ կախյալ բայարմատ կամ բառածև, ըստ որում այդ կարգի բարդություններում որպես առաջին բաղադրիչ երբեմն հանդես է գալիս բայը: Միաժամանակ նշենք, որ բայական հարադրություններում կիրառվող տարբեր բայերից առավել գործածականը առնել և լինել բայերն են, որոնք կազմում են վկայված հարադիր բայերի մեծագույն մասը: Զգալի թիվ են կազմում նաև ի մախդող կազմված հարադրավոր բայերը: Այժմ բերենք հարադրավոր բայերի օրինակներ. ազատ առնել, ազդ առնել՝ լինել, ակն ունել, ամուսն դնել, առաջի դնել, առնել արժանի՝ յաշտ՝ պատասխանի, առնուլ ի պաշտօն, առնուլ օժան, արբանեկութիւն հարկանել, բաւանդակ ունել, դնել մեղ՝ դատ, երկիր պագանել, երկրպագութիւն առնուլ, զանց առնել, զահի հարկանել, զհետ երթալ, զմտաւ ածել, ի բաց թքանել՝ թողուլ՝ մերժել, ի բուռն անկանել, ի դէպ ելանել, ի խնդիր լինել, ի մէջ բերել՝ մտանել, ի միջոց բառնալ, ի մտի դնել՝ խորհել՝ ունել, ի չափ հասանել, ի պաշտօն առնուլ, ի վերայ ածել՝ խաղալ՝ հասանել՝ յարծակել, ի վեր գալ՝ հանել, ի քարշ անկանել, կենակից լինել, հալածական առնել, հակառակ կալ, հետամուտ լինել, հնազանդ լինել, ծեռն արկանել, միտ դնել, մօտ գալ՝ հասանել, յամօթ առնել, յանձին ունել, յաշտ առնել, ուրախ լինել, պաշտօն առնուլ՝ հարկանել՝ մատուցանել՝ տանել, պատասխանի առնել, պատսպարան լինել, սիրտ առնուլ, վնաս առնել՝ գործել, փաշաման կրել, փող հարկանել և այլն:

Պետք է նկատել, որ շատ հարադրավոր բայեր, ստանալով փոխաբերական իմաստավորում, հանդես են գալիս իբրև դարձվածքներ՝ դառնալով լեզվական ոճավորման միջոց: Այդ կարգի հարադրավոր բայերից են՝ գալ ի չափ հասակի,

գալ ի քնին, գետ ի վերոյ լինել, դառնալ յետս, ելանել ի խաչ, ընդ բերան ածել, ընդ մահուամբ անկանել, ընդ միտս հարկանել, ընդ ոտս անկանել, ի խաչ ելանել, ի խաչ հանել || հանել ի խաչ, ի խաւար դառնալ, ի հանգիստ մտանել, խեղդ ընդ անծն առնել՝ արկանել՝ լինել, հանել յաչաց՝ յերեսաց, յական քթել, յաչաց վրիպել, յարևէ արկանել, յարևու ունել, յընչաց քերել, յընչից արկանել և այլն: «Եղծ աղանդոց»-ում հարադրավոր բայերից բացի սահմանափակ կիրառության ունեն զուգադրական բայերը, որոնք դրսևորվում են երկու բայական բաղադրիչներով և արտահայտում են մեկ ընդհանուր իմաստ: Վկայված զուգադրական բայերից են՝ երթայ ղօղէ (11), կապեալ արկեալ (73), եկն եկաց (80), երթեալ հեռացեալ (149), ընտրել առնուլ (176), երթալ առնուլ (180), երթալ փրկել (ն.տ.), երթ մատո (193):

Պետք է նկատել, որ անվանական հարադրություններից «Եղծ աղանդոց»-ում գործածական են միայն կրկնավորները, իսկ բաղիյուսական բարդություններ հազվադեպ են հանդիպում: Վկայված կրկնավոր բարդությունների բաղադրիչները տարբեր խոսքի մասեր են՝ գոյական, ածական, դերանուն, թվական, որոնք երբեմն բաղադրվում են որևէ նախդրով (առ, ընդ, ի) կամ և շաղկապով: Ստորև ներկայացնում ենք «Եղծ աղանդոց»-ում գործածված կրկնավորների ամբողջական ցանկը. ազգի ազգի, ամսոյ ամսոյ, այլ և այլ, այլ ընդ այլոյ, անդէն անդէն, աւուր աւուր, բերան ի բերան, զունդս առ զունդս, ետ ընդ ետ, երամ երամ, երբեք երբեք || երբեք երբեք, ինչ ինչ, իրիք իրիք, կեղծս ի կեղծս, կերպարանս կերպարանս, ձեռն ի ձեռն, մամր մամր, մի մի, միոյ միոյ, տակաւ տակաւ:

2. Համադրական բարդություններ. «Եղծ աղանդոց»-ում համադրական բարդություններից հատկապես պետք է նշել իսկական բարդությունները, որոնք կիրառվում են հոդակապով (հիմնականում ա-ով) կամ առանց հոդակապի, որոնց մեջ, անկասկած, գերիշխում են հոդակապով կազմությունները: Իսկական բարդությունները առհասարակ բոլոր տիպի բարդությունների մեջ ամենամեծ թիվ են կազմում և քննվող երկուսն բնութագրվում են զանազան կաղապարներով, որոնցով ստեղծվել են հիմնականում գոյականներ և ածականներ: Այդ բարդությունների կաղապարները ներկայացնելիս մենք մի քանի կցական համադրություններ, որոնք, իբրև համադրական բարդությունների երկրորդ տեսակ, ընդհանրապես սահմանափակ գործածություն ունեն, կբերենք որոշ կաղապարների մեջ, քանի որ դրանք կիրառման սկզբունքով կարող են դասվել իսկական բարդությունների շարքը: «Եղծ աղանդոց»-ում վկայված բազմաթիվ իսկայական բարդություններ,

որոնցից շատերը հենց եզնիկն է կազմել, հիմնականում հանդես են գալիս հետևյալ կաղապարներով.

1. գոյական + գոյական՝ ականամոմ, աղանդամիտ, աստեղատուն, բոցալեզու, իշացու, ծովեզր, մաղձադեղ, ուտածայն, լեռնածև, կորեկահատ:

2. գոյական + բայարմատ (բայահիմք)՝ ախտալից, աստուածախոյզ, աշխարհակալ, բանաքաղ, դիւահար, խոտակեր, խրատուու, ծովածին, որդնապարար, ունկնդիր, պղնձագործ, սերմընկալ, օրէնսդիր:

3. գոյական + ածական՝ անտառախիտ, գործակից, ընկերակից:

4. ածական + գոյական՝ բարենշան, թանձրամարմին, ժանդահոտ, մեծատուն, վատամուն, ուրախամիտ, քաջասիրտ:

5. ածական + բայարմատ (բայահիմք)՝ չարական, նորաստեղծ, չարագործ:

6. ածական + ածական՝ մեծամեծ, չարաչար:

7. դերանուն + գոյական՝ ամենարուեստ, այլազգ, այսչափ, այսօր:

8. դերանուն + բայարմատ (բայահիմք)՝ ամենագէտ, ամենակալ:

9. դերանուն + ածական՝ ամենաչար:

10. դերանուն + դերանուն՝ այլուր, այսինքն:

11. դերանուն + մակբայ՝ միւսանգամ:

12. թվական + թվական՝ հնգետասան:

13. մակբայ + բայարմատ (բայահիմք)՝ արագագնաց, մշտաբուլիս:

14. թվական + մակբայ՝ միանգամ:

Ածանցներ - Ածանցները, որոնք բաժանվում են երկու հիմնական խմբի՝ նախածանցներ և վերջածանցներ, ավելանում են ածանցող հիմքին սկզբից կամ վերջից՝ կազմելով նոր բառեր:

Պարզ է, որ «Եղծ աղանդոցը» նախածանցների քանակական կազմով բոլորովին աչքի չի ընկնում, քանի որ դասական գրաբարը հարուստ չի եղել նախածանցներով, ի տարբերության վերջածանցների, որոնց թիվը բավական մեծ է: Կիրառված նախածանցներից գործունը ան- և չ- ժխտական ածանցներն են, իսկ մյուսները գործունության տեսակետից կենսունակ չեն եղել, որոնցով կազմվել են սահմանափակ թվով բառեր: Վկայված նախածանցներն են՝ ան /անաթման, անթշկելի, անգէտ, անգործ, անդադար, անթիւ/, չ /չաջողութիւն, չաստուած, չգիտանք, չգոյ, չկենդանի/, առ /առաւել, առ-ընթեր, առ-հասարակ, առ-ձեռն, առողջ/, ընդ /ընդդէմ, ընդէ՞ր, ընդ-հանուր, ընդհատ, ընդ-վայր/, համ /համաբնեայ, համագունդ, համազգի/, նախ /նախաբարբառ/, տար /տարագիր, տարաժամ, տարակոյս, տարապարտ/, տ /տոգէտ, տկար/, ց ցայր, ցանկ, ցերեկ/:

«Եղծ աղանդոց»-ում մեծ թիվ են կազմում վերջածանցները, ըստ որում բառակազմական կաղապարներից ամենատարածվածը պարզ հիմք (անվանա-

կան կամ բայական) + մեկ վերջածանց կաղապարով կազմություններն են: Ստորև ներկայացնում ենք «եղծ աղանդոց»-ում կիրառված վերջածանցների ամբողջական ցանկը՝ համապատասխան օրինակների վկայակոչությամբ:

աբար /բազմաբար/, ազին /ահագին, ծանրագին/, ազոյն /ազնուազոյն, արագազոյն, աւագազոյն/, ած /աւերած, գթած, երկեղած, կոտորած/, ակ /ծովակ, երևակ/, ական /անապատական, իգական, մարտիրոսական, յաւիտենական/, ակար /վնասակար, օգտակար/, ային /երկնային, ցամաքային/, այն /ամենայն, համայն/, այք /եպիկուրայք/, ան /արժան, ըմբան (ըմպան), իշխան, կայան, պատուիրան/, անակ /փոխանակ/, անի /ամարանի, պիտանի/, անոց /պռուանոց, մեղուանոց/, անք /առականք, լլկանք, փրկանք, թշնամանք/, ապան /պահապան/, ապատիկ /բիրապատիկ, բազմապատիկ/, ապէս /նմանապէս/, առօտ /համառօտ/, աստան /անդաստան, հեռաստան/, ատակ /յիշատակ/, ար /մթար, պատահար/, արան /կտակարան/, արեն || երէն /յունարեն, ասորերեն, հայերեն/, արիմ /հաւատարիմ/, աջի || -եջի /բաբելացի, եգիպտացի, եթովպացի, փինիկեցի/, աջու /ապականացու, պիտանացու/, աւ /կամաւ, կարգաւ, կանխաւ/, աւոր /ահաւոր, աղանդաւոր, դատաւոր, երկրաւոր/, եալ /առաքեալ, հաւատացեալ, կարօտեալ, հեծեալ/, եամն /այծեամն/, եայ /ժամանակեայ, հիւղեայ, քրիստոնեայ/, եան /բազմաստուածեան, ժամանակեան, չնչեան/, եդ /ասուեդ/, եդէն /բոցեդէն, հոգեդէն, հրեդէն/, եմն երբեմն, ուրեմն/, եմի1 /մորենի, ձիթենի/, եմի 2 /հայրենի, մայրենի/, (ե)րորդ /երկրորդ, երրորդ, չորրորդ/, եցիկ /գեղեցիկ/, եւ /արդարեւ/, եւին /ամենեւին/, եք /երբեք, ուրեք/, եքեան || եքին /ամենեքեան || ամենեքին, բոլորեքեան, երեքեան, երկոքեան, չորեքին/, էն /անդէն, անդրէն, արդէն/, ի /գործի, աւելի, թերի, ծարաւի, մոլի, եղծանելի/, իկ /այծմիկ, կտիկ, սակաւիկ, հնդիկ/, ին /առաջին, արտաքին, բաժին, ինքնին/, իչ /արարիչ, բժշկիչ, բնակիչ, գործիչ/, իցս /երիցս, երկիցս/, իւ /ծշմարտիւ, վաղիւ, իւղ /երկիւղ/, իւն /գոչիւն, սօսաւիւն, սարսափիւն/, իք /երախտիք, կարիք, կարծիք, չարիք/, ճի /յայտնի/, ող || օղ /ծնող, սպանող, հնծօղ, նմանօղ, ստացօղ/, ոյ /մեծարոյ/, ով /մեղմով/, ովին /գլխովին/, ոտ /բորոտ/, ոտի /օտարոտի, մեռելոտի, սնոտի/, որդ /աւելորդ, միջնորդ, ուղղորդ, հակառակորդ/, ոց /ամրոց, հալոց, ձմերոց/, ու /այծմու/, ութին /ազահութին, ազատութիւն, բազմութիւն/, ուկ /կանեփուկ/, ումն /ազդումն, աճումն, գլորումն, լուացումն, ծախումն, շարժումն/, ուն /ասուն, խօսուն, հասուն, թռչուն/, ունդ /ծնունդ/, ուչ /վայելուչ/, ուստ /ներքուստ, գալուստ, վերուստ/, ուտ /աւագակուտ/, ուրդ /ժողովուրդ, յագուրդ/, չուտ /խաւարչուտ/, սուն /երեսուն, եւթանասուն/, ստ /զգաստ, զգեստ, հանգիստ/, ք /աղօթք, բարք, գնացք/, օն /գոծօն/, օրէն /համօրէն, մարդկօրէն/: